



SLUŽBENI GLASNIK OPĆINE JABLANICA

broj 7/2019.







S A D R Ź A J
SLUŽBENOG GLASNIKA OPĆINE JABLANICA
BROJ: 7/2019

Red. br.	N A Z I V A K T A	Strana
1.	Odluka o izmjenama i dopunama Budžeta – Proračuna Općine Jablanica za 2019. godinu-	5
2.	Odluka o poslovnoj saradnji općine Jablanica i privrednog društva “Granit” d.d. Jablanica - u stečaju	6
3.	Odluka o uslovima i načinu raspolaganja nekretninama u vlasništvu Općine Jablanica u Poslovnoj zoni „Granit“	7
4.	Rješenje o imenovanju članova privremenog Školskog odbora JU Srednja škola Jablanica	10
5.	Rješenje o razrješenju i imenovanju člana Upranog odbora JU Dječije obdanište „Pčelica” Jablanica	11
6.	Odluka o davanju odobrenja za upotrebu naziva općine Jablanica	11





Na osnovu člana 37. i 38. Zakona o Budžetima - Proračunima u Federaciji BiH ("Službene novine Federacije BiH", broj: 102/13,9/14,13/14, 8/15, 91/15, 102/15, 104/16, 5/18 i 11/19), člana 17. Zakona o principima lokalne samouprave u F BiH ("Sl. novine F BiH" broj 49/06 i 51/09) i člana 18. i 22. Statuta Općine Jablanica ("Službeni glasnik Općine Jablanica", broj: 2/09 i 8/16) Općinsko vijeće na sjednici održanoj dana 20.05.2019. godine donosi

ODLUKU O IZMJENAMA I DOPUNAMA BUDŽETA - PRORAČUNA OPĆINE JABLANICA ZA 2019. GODINU

Član1.

U članu 2. Budžeta-Proračuna Općine Jablanica za 2019. godinu (Sl. Glasnik br.9/18, 4/19 i 5/19) u odjeljcima A i B prihodi i primici i rashodi i izdaci pojedine stavke se mijenjaju i glase:

I OPĆI DIO						
	Bilans prihoda i rashoda	Funkc. klasif.	Budžet 2019. godine	Izmjene i dopune Budžeta za 2019. god.	Razlika	Ind 5:4
1	2	3	4	5	6	7
PRIHODI: 1.	Bilans prihoda		16.203.600,00	16.484.850,00	281.250,00	102
RASHODI:2.	Bilans rashoda		16.203.600,00	16.484.850,00	281.250,00	102
RAZLIKA	RAZLIKA		0,00	0,00	0,00	
A - PRIHODI I PRIMICI						
	Bilans prihoda i rashoda	Funkc. klasif.	Budžet 2019. godine	Izmjene i dopune Budžeta za 2019. god.	Razlika	Ind 5:4
1	2	3	4	5	6	7
710000	I PRIHODI OD POREZA		2.213.000,00	2.494.250,00	281.250,00	113
714100	Porez na imovinu		300.000,00	581.250,00	281.250,00	194
	UKUPNI PRIHODI:		16.203.600,00	16.484.850,00	281.250,00	102
B - RASHODI I IZDACI						
	Bilans prihoda i rashoda	Funkc. klasif.	Budžet 2019. godine	Izmjene i dopune Budžeta za 2019. god.	Razlika	Ind 5:4
1	2	3	4	5	6	7
	UKUPNI IZDACI (I+II+III+IV+V+VI+VII)		16.203.600,00	16.484.850,00	281.250,00	102
614000	II TEKUĆI TRANSFERI I DRUGI TEKUĆI RASHODI		2.897.150,00	2.867.150,00	-30.000,00	99
614000	II.I.IV. Ostali projekti		470.400,00	440.400,00	-30.000,00	94
614000	Školarine i stipendije đacima i studentima		290.000,00	260.000,00	-30.000,00	90
615000 820000	III KAPITALNI TRANSFERI		9.727.000,00	10.038.250,00	311.250,00	103
615000	Kapitalni izdaci po Zak. Parl. FBiH	0112	8.983.000,00	9.264.250,00	281.250,00	103
615000 820000	III.I.Prioritetni projekti iz integralne strategije razvoja	0112	8.798.000,00	9.079.250,00	281.250,00	103
615000 820000	III.I.I. Projekti iz oblasti LER-a		7.717.000,00	7.998.250,00	281.250,00	104
820000	Porez na promet nekretnina posl. Zone "Granit"		0,00	281.250,00	281.250,00	0



615000 820000	III.IV. Ostali projekti-ostali kapitalni izdaci		494.000,00	524.000,00	30.000,00	106
615000	Tekući transferi za sufinans. EU projekata, projekata viših nivoa vlasti i NVO		70.000,00	100.000,00	30.000,00	143

Član 2.

Izmjene i dopune Budžeta - Proračuna Općine Jablanica za 2019. godinu, analitički navedene u članu 1. ove Odluke postaju sastavni dio Budžeta - Proračuna Općine Jablanica za 2019. godinu, dok ostale stavke ostaju iste.

Član 3.

Odluka o izmjenama i dopunama Budžeta- Proračuna Općine Jablanica za 2019. godinu stupa na snagu danom donošenja, a objavit će se u Službenom glasniku Općine Jablanica

Bosna i Hercegovina
Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE
Broj: 02-02-1333-1/19 -VS
Jablanica, 20.05.2019. godine

PREDSJEDAVAJUĆI OV-a
Mate Mijić, ing. stroj.s.r.

Na osnovu člana 13. Zakona o principima lokalne samouprave u FBiH (Službene novine FBiH br. 48/06 i 51/09) i člana 18. Statuta Općine Jablanica ("Službeni glasnik općine Jablanica", broj 2/09, 8/16), Općinsko vijeće Jablanica na Vanrednoj sjednici održanoj dana 20.05.2019. godine, d o n o s i

O D L U K U

o poslovnoj saradnji Općine Jablanica i privrednog društva „Granit“ d.d. Jablanica – u stečaju

Član 1.

Općinsko vijeće Jablanica donosi odluku o poslovnoj saradnji Općine Jablanica i privrednog društva „Granit“ d.d. Jablanica - u stečaju, Društvo za eksploataciju i obradu ukrasnih kamena i mermera Ul. Željeznička br.15 Jablanica.

Predmet ove Odluke je iskazivanje interesa za dugotrajnu poslovnu saradnju Općine Jablanica i privrednog društva „Granit“ d.d. Jablanica - u stečaju.

Član 2.

Cilj poslovne saradnje je:

- ❖ da privredno društvo „Granit“ d.d. Jablanica - u stečaju nastavi rad i obavljanje djelatnosti eksploatacije i prerade kamena granita (gabra);
- ❖ usvajanje stečajnog plana najdalje u roku do godinu dana;
- ❖ da u što kraćem roku krene u normalizaciju svojih poslovnih aktivnosti;
- ❖ učiniti dodatne napore za redovno izmirenje zakonskih obaveza po osnovu poreza, doprinosa i drugih obaveza kao i obaveza prema dobavljačima i slično;
- ❖ zadržavanje trenutno svih zaposlenih radnika;
- ❖ u skladu sa svojim mogućnostima i potrebama, otvaranje novih radnih mjesta kako bi se smanjio broj nezaposlenih osoba na području općine Jablanica
- ❖ određivanje uslova i načina raspolaganja nekretnina u vlasništvu Općine Jablanica u Poslovnoj zoni „Granit“ radi namjenskog korištenja prostora (davanje u zakup i drugo);
- ❖ rješavanje pitanja koncesije za eksploataciju granita (gabra)
- ❖ pronalaženje i izbor najpovoljnijeg strateškog partnera.



Član 3.

U cilju realizacije poslovne saradnje Općinsko vijeće Jablanica će donijeti posebnu Odluku kojom će Općina Jablanica privrednom društvu „Granit” d.d. Jablanica - u stečaju dati u zakup nekretnine koje su Rješenjem o dosudi br. 56 0 Ip 026356 18 Ip 4 od 10.05.2019. dosuđene i shodno Zaključku Općinskog suda Konjic br. 56 0 Ip 026356 18 Ip 4 od 01.04.2019. godine prodate Općini Jablanica, a koje su neophodne privrednom društvu „Granit” d.d. Jablanica - u stečaju za nesmetano obavljanje njegovih djelatnosti.

Član 4.

Općinsko vijeće i Općinski načelnik obavezuju zakonskog zastupnika privrednog društva „Granit”, d.d. Jablanica – u stečaju na saradnju i komunikaciju u duhu dobrog privrednika u cilju ispunjavanja svih međusobnih zahtjeva koji mogu proisteći iz ove Odluke i ciljeva saradnje.

Član 5.

Stečajni sudija, stečajni upravnik, Odbor povjerenika i Skupština povjerenika privrednog društva „Granit” d.d. Jablanica - u stečaju su dužna da na zahtjev Općine Jablanica, pravovremeno poduzimaju potrebne radnje i dostavljaju neophodne informacije, a u svrhu realizacije predmetne poslovne saradnje.

Član 6.

Ovlašćuje se Općinski načelnik da sa privrednim društvom „Granit” d.d. Jablanica - u stečaju potpiše Ugovor o poslovnoj saradnji u skladu sa ovom Odlukom odnosno poduzme sve potrebne radnje vezano za realizaciju ove Odluke i o svemu informiše Općinsko vijeće.

Član 7.

Ova Odluka stupa na snagu danom donošenja i objavit će se u „Službenom glasniku Općine Jablanica“.

Bosna i Hercegovina

Federacija Bosne i Hercegovine

Hercegovačko-neretvanski kanton

OPĆINA JABLANICA

OPĆINSKO VIJEĆE

Broj:02-02-1333-2/19-v.s.

Jablanica, 20.05.2019.g.

PREDSJEDAVAJUĆI OV-a

Mate Mijić,ing.stroj.,s.r.

Na osnovu člana 18. Statuta Općine Jablanica Statuta općine Jablanica („Službeni glasnik općine Jablanica“, broj: 2/09, 8/16), člana 39. a. Odluke o prodaji i davanju u zakup poslovnih prostorija (“Službeni glasnik općine Jablanica”, broj: 2/06, 2/07, 1/17 i 4/19), a u vezi sa Odlukom o utvrđivanju statusa Poslovne zone „Granit“ („Službeni glasnik općine Jablanica“, broj: 5/19) i Odluke o poslovnoj saradnji Općine Jablanica i privrednog društva „Granit“ d.d. Jablanica – u stečaju („Službeni glasnik općine Jablanica“, broj: 7/19), Općinsko vijeće Jablanica, na vanrednoj sjednici održanoj dana 20.05.2019. godine, *donijelo je*

ODLUKU

o uslovima i načinu raspolaganja nekretninama u vlasništvu općine Jablanica u poslovnoj zoni „Granit“

Član 1.

Ovom Odlukom određuju se uslovi i način raspolaganja nekretninama u vlasništvu Općine Jablanica u Poslovnoj zoni „Granit“.

Član 2.

Nekretnine u vlasništvu Općine Jablanica u Poslovnoj zoni „Granit“ su:

- **k.č. broj: 317/1 K.O.Jablanica, zv. „Dolčić“**, u naravi:
- poslovna zgrada u privredi 1, površine 50 m²,



- poslovna zgrada u privredi 2, površine 17m²,
 - poslovna zgrada u privredi 3, površine 294 m²,
 - poslovna zgrada u privredi 4, površine 276m²,
 - poslovna zgrada u privredi 5, površine 200 m²,
 - poslovna zgrada u privredi 6, površine 309 m²,
 - poslovna zgrada u privredi 7, površine 80 m²,
 - poslovna zgrada u privredi 8, površine 189 m²,
 - poslovna zgrada u privredi 9, površine 415 m²,
 - poslovna zgrada u privredi 10, površine 25 m²,
 - poslovna zgrada u privredi 11, površine 69 m²,
 - poslovna zgrada u privredi 12, površine 365 m²,
 - poslovna zgrada u privredi 13, površine 2098 m²,
 - poslovna zgrada u privredi 14, površine 354 m²,
 - poslovna zgrada u privredi 15, površine 332 m²,
 - poslovna zgrada u privredi 16, površine 525 m²,
 - poslovna zgrada u privredi 17, površine 858 m²,
 - poslovna zgrada u privredi 18, površine 65 m²,
 - poslovna zgrada u privredi 19, površine 70 m²,
 - poslovna zgrada u privredi 20, površine 249 m²,
 - zemljište uz privrednu zgradu površine 22952 m²,
 - šuma 4. klase površine 2562 m²,
- ukupne površine 32354 m².

Član 3.

Poslovne zgrade u privredi od 1 do 20 u ukupnoj površini od 6840 m² iz člana 2. ove Odluke dodjeljuju se u zakup neposrednom pogodbom.

Zemljište uz poslovne zgrade iz člana 2. Odluke zakupac će koristiti u površini koja je potrebna za redovno obavljanje njegove djelatnosti.

Ostalim zemljištem iz člana 2. Odluke Općina Jablanica će raspolagati u skladu sa važećim materijalnim propisima.

Član 4.

Nekretnine iz člana 3. stav 1. i 2. ove Odluke dodjeljuju se neposrednom pogodbom privrednom društvu „GRANIT“ d.d. Jablanica - u stečaju, Društvo za eksploataciju i obradu ukrasnih kamena i mermera, Ul. Željeznička br.15, Jablanica.

Član 5.

Cijena zakupa nekretnine iz člana 3. stav 1. i 2. ove Odluke određuje se u i mjesečnom znosu od 25.000,00 KM (dvadesetpet hiljada konvertibilnih maraka), počev od maja mjeseca 2019.godine.

Zakupnina iz prethodnog stava plaća se mjesečno, i to najkasnije do 15-tog za tekući mjesec.

Član 6.

Ugovor o zakupu nekretnina iz člana 3. stav 1. i 2. ove Odluke, kojim će biti detaljno definisana prava i obaveze zakupodavca i zakupca, u ime Općine Jablanica zaključit će Općinski načelnik, uz prethodno pribavljeno mišljenje Općinskog javnog pravobranilaštva.

Ugovor o zakupu će se zaključiti u formi notarski obrađene izvršne isprave, a troškove notarske obrade snosi zakupac.

Ugovor o zakupu će se zaključiti na period od 2 (dvije) godine sa mogućnošću produženja na period od najduže deset (10) godina.

Nakon proteka vremena na koji je ugovor zaključen zakupac je dužan zakupodavcu predati predmetne nekretnine.

Ukoliko zakupac želi produženje ugovora o zakupu dužan je najkasnije 60 (šezdeset) dana prije isteka ugovora o zakupu obavijestiti zakupodavca o produženju ugovora.

U slučaju iz prethodnog stava, ukoliko se dogovore, zakupac i zakupodavac će zaključiti aneks ugovora o produženju zakupa za još dvije (2) godine.



Član 7.

Komisija formirana od strane Općinskog načelnika predat će zakupcu nekretnine iz člana 3. stav 1. i 2. ove Odluke, a prilikom primopredaje sastavlja se zapisnik u koji se unose podaci o stanju nekretnina.

Posebna komisija formirana od strane Općinskog načelnika i zakupac su dužni najmanje jedanput godišnje, Općinskom vijeću podnositi izvještaj o načinu korištenja i stanju u kome se nalazi predmet zakupa. Komisija ima pravo i obavezu pregledati dokumentaciju od interesa za raspolaganje i očuvanje, te predlagati mjere za očuvanje i upotrebu predmeta zakupa.

Zakupac je dužan u svako doba omogućiti zakupodavcu pristup imovini, radi provjere stanja u kome se nalazi, načina korištenja i održavanja.

Član 8.

Zakupac je dužan plaćati zakupninu, troškove redovnog održavanja, troškove električne energije i komunalnih usluga.

Član 9.

Zakupac ne može nekretnine iz člana 3. stav 1. i 2. ove Odluke izdavati u podzakup, bez pisane saglasnosti zakupodavca.

Član 10.

Zakupac ne može vršiti investiciona ulaganja u nekretnine iz člana 3. stav 1. i 2. ove Odluke bez pisane saglasnosti zakupodavca.

Ukoliko zakupac izvrši investiciona ulaganja bez saglasnosti zakupodavca, ista ulaganja ne mogu biti priznata.

Zakupac ne može za izvršena investiciona ulaganja tražiti naknadu, ne može otuđiti ugrađene uređaje, niti oštetiti nekretnine, a po proteku zakupodavnog odnosa sva ulaganja ostaju u vlasništvu Općine Jablanica.

Član 11.

Ugovor o zakupu nekretnine iz člana 3. stav 1. i 2. ove Odluke prestaje na način propisan zakonom, ovom Odlukom i ugovorom o zakupu.

Član 12.

Općina Jablanica može u svako doba jednostrano raskinuti ugovor o zakupu, bez obzira na ugovorene ili zakonske odredbe trajanja zakupa, ako zakupac:

- onemogućiti zakupodavcu nesmetanu kontrolu korištenja nekretnina iz člana 3. stav 1. i 2. ove Odluke,
- u poslovnim objektima ne obavlja djelatnost iz Odluke o poslovnoj saradnji Općine Jablanica i privrednog društva „Granit“ d.d. Jablanica u stečaju, broj:02-02-1333-2/19 v.s. od 20.05.2019. godine, ili izgubi pravo na obavljanje djelatnosti iz zakonom predviđenih razloga;
- postupa suprotno odredbama Odluke o poslovnoj saradnji Općine jablanica i privrednog društva „Granit“ d.d. Jablanica u stečaju, broj:02-02-1333-2/19 v.s. od 20.05.2019.godine i Ugovora o poslovnoj saradnji;
- koristi poslovne zgrade suprotno namjeni određenoj ugovorom o zakupu;
- ako zakupac ne izvrši obaveze plaćanja dvije dospelje mjesečne zakupnine.

Član 13.

Ova Odluka stupa na snagu danom donošenja i objavit će se u „Službenom glasniku Općine Jablanica“.

Bosna i Hercegovina
Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE

Broj:02-02-1333-3/19-v.s.
Jablanica, 20.05.2019.g.

PREDSJEDAVALAČI OV-a
Mate Mijić,ing.stroj.,s.r.



Na osnovu člana 61. Zakona o srednjoškolskom odgoju i obrazovanju („Službene novine Hercegovačko-neretvanskog kantona“, broj : 8/2000, 4/04 i 5/04), člana 4. Zakona o ministarskim, vladinim i drugim imenovanjima Federacije Bosne i Hercegovine («Službene novine Federacije BiH», broj: 34/03, 12/03, 34/03 i 65/13), člana 41. Statuta općine Jablanica («Službeni glasnik općine Jablanica», broj: 2/09), člana 14. Odluke o preuzimanju i daljem obavljanju osnivačkih, vlasničkih i drugih prava nad Javnom ustanovom Srednja škola Jablanica (Sl. glasnik općine Jablanica broj 2/03, 7/04 i 2/06, i člana 2. I 4. Odluke o postupku i kriterijima za imenovanja na pozicije u reguliranim organima Općine Jablanica («Službeni glasnik općine Jablanica», broj: 4/15), u skladu sa aktom JU Srednja škola Jablanica broj : 02-40-213-2/19 od 09.04.2019. godine, Općinski načelnik, d o n i o j e

R J E Š E N J E
o imenovanju članova privremenog Školskog odbora JU Srednja škola Jablanica

I

Za članove privremenog Školskog odbora Javne ustanove Srednja škola Jablanica imenuju se :

1. Nezirić Edis, kao predstavnik osnivača,
2. Kadić Nermin, kao predstavnik osnivača,
3. Nezirić Edin, iz reda uposlenika,
4. Tatar Amila, iz reda uposlenika,
5. Tufek Said, iz reda roditelja,
6. Hodžić Enid, iz reda roditelja.

II

Imenovanje se vrši na period do tri (3) mjeseca, odnosno do okončanja postupka imenovanja novog Školskog odbora..

III

Školski odbor vrši slijedeće poslove :

- donosi Statut Ustanove , godišnji plan i program rada škole i prati njegovo ostvarivanje; daje direktoru smjernice i prijedloge o pitanjima od interesa za poboljšanje rada škole , raspisuje konkurs za izbor direktora i prijem ostalih radnika škole; imenuje i razrješava direktora uz predhodnu saglasnost Ministarstva, usvaja finansijski plan i godišnji i periodični obračun, rješava o upravnoj stvari iz svog djelokruga kao prvostepeni i drugostepeni organ, donosi opća akta škole; razmatra i rješava žalbe učenika koje se odnose na pedagošku mjeru isključenja iz škole, žalbe nastavnika i drugih radnika škole, te roditelja, kao drugostepeni organ, razmatra primjedbe i prijedloge građana o pitanjima od interesa za rad škole; podnosi osnivaču najmanje jednom godišnje izvještaj o poslovanju i odgovara za rezultate rada i obavlja druge poslove u skladu sa Zakonom, aktom o osnivanju i Statutom Škole.

IV

Obavljanje dužnosti člana Školskog odbora dobrovoljno je i bez naknade.

V

Ovo Rješenje stupa na snagu danom donošenja i objaviće se u «Službenom glasniku Općine Jablanica».

Bosna i Hercegovina
Federacija Bosne i Hercegovine
Hercegovačko – neretvanski kanton
OPĆINA JABLANICA
OPĆINSKI NAČELNIK
Broj: 01-05-732-1/19
Jablanica, 30.04.2019. godine

OPĆINSKI NAČELNIK
Salem Dedić, dipl.ecc s.r.



Na osnovu člana člana 44. Zakona o predškolskom odgoju („Službene novine Hercegovačko-neretvanskog kantona“, broj : 5/2000), shodno odredbama Zakona o ministarskim, vladinim i drugim imenovanjima Federacije Bosne i Hercegovine («Službene novine Federacije BiH», broj: 34/03, 12/03, 34/03 i 65/13), člana 41. Statuta općine Jablanica («Službeni glasnik općine Jablanica», broj: 2/09), člana 13. Odluke o preuzimanju i daljem obavljanju osnivačkih i vlasničkih prava nad JU Dječije obdanište „Pčelica“ Jablanica (Sl. glasnik općine Jablanica broj 2/07) i člana 2. Odluke o postupku i kriterijima za imenovanja na pozicije u reguliranim organima Općine Jablanica («Službeni glasnik općine Jablanica», broj: 4/15), u skladu sa članom 39. Pravila JU Dječije obdanište „Pčelica“ Jablanica, na prijelog Vijeća roditelja JU Dječije obdanište „Pčelica“ Jablanica dostavljenog aktom Obavijest broj:458/18 od 13.10.2018.g. zaprimljen pod broj: 01-05-2402/18 od 13.11.2018. godine, Općinski načelnik d o n i o j e

R J E Š E N J E

o razrješenju i imenovanju člana Upravnog odbora JU Dječije obdanište «Pčelica» Jablanica

I

Adela Alikadić se razrješava dužnosti člana Upravnog odbora Javne ustanove Dječije obdanište «Pčelica» Jablanica, zbog podnesene ostavke broj:01-05-2356/18 od 05.11.2018.g. imenovana za člana kao predstavnik roditelja Rješenjem broj: 01-05-2730-1/16 od 04.10.2016. godine

II

Za člana Upravnog odbora Javne ustanove Dječije obdanište «Pčelica» Jablanica imenuje se Vildana Lulić kao predstavnik roditelja djece.

Imenovanje iz prethodnog stava se vrši na period od četiri (4) godine, računajući od dana stupanja na snagu ovog rješenja.

III

Nadležnost i način rada Upravnog odbora uređen je Pravilima Ustanove i Poslovníkom o radu Upravnog odbora.

IV

Ovo Rješenje stupa na snagu danom donošenja, i objavit će se u «Službenom glasniku Općine Jablanica».

Bosna i Hercegovina
Federacija Bosne i Hercegovine
Hercegovačko – neretvanski kanton
OPĆINA JABLANICA
OPĆINSKI NAČELNIK
Broj: 01-05-1309/19
Jablanica, 14.05.2019. godine

OPĆINSKI NAČELNIK
Salem Dedić, dipl.ecc s.r.

Na osnovu člana 10. Zakona o udruženjima i fondacijama Federacije BiH («Službene novine FBiH» broj: 45/02) i člana 41. Statuta Općine Jablanica («Službeni glasnik Općine Jablanica» broj: 2/09 i 8/16), na zahtjev predsjednika Skupštine Udruženja Veterana Policije Jablanica, Općinski načelnik d o n o s i

O D L U K U

I

Daje se odobrenje, da se naziv općine Jablanica može unijeti u naziv „Udruženja Veterana Policije Jablanica“.



II

Ova Odluka stupa na snagu danom donošenja i objavit će se u «Službenom glasniku Općine Jablanica».

Bosna i Hercegovina
Federacija Bosne i Hercegovine
Hercegovačko – neretvanski kanton
OPĆINA JABLANICA
OPĆINSKI NAČELNIK
Broj: 01-16-1218/19
Jablanica, 17.05.2019. godine

OPĆINSKI NAČELNIK
Salem Dedić, dipl.ecc s.r.